



BOSNA I HERCEGOVINA
БОСНА И ХЕРЦЕГОВИНА

INSTITUT ZA AKREDITIRANJE BOSNE I HERCEGOVINE
ИНСТИТУТ ЗА АКРЕДИТОВАЊЕ БОСНЕ И ХЕРЦЕГОВИНЕ



*EA MLA potpisnik
*EA MLA потписник

Broj: 04-02-04-55-4/23

Datum: 13.04.2023. godine

SREDNJOROČNI PLAN RADA INSTITUTA ZA AKREDITIRANJE BOSNE I HERCEGOVINE ZA PERIOD 2024-2026. GODINE

SADRŽAJ:

- 1. STRATEŠKI OKVIR**
- 2. MISIJA I VIZIJA**
- 3. UČESNICI I PARTNERI**
- 4. OSNOVNA PROGRAMSKA OPREDJELJENJA**
- 5. RESURSI I KAPACITETI POTREBNI ZA POSTIZANJE CILJEVA**
- 6. PRILOG 1: AKCIONI PLAN SREDNJOROČNOG PLANA RADA**
- 7. PRILOG 2: PREGLED ZAKONA, DRUGIH PROPISA I RAZVOJNO-INVESTICIONIH PROJEKATA/PROGRAMA PREDVIĐENIH SREDNJOROČNIM PLANOM RADA INSTITUTA ZA AKREDITIRANJE BIH**

1. STRATEŠKI OKVIR

Srednjoročni plan rada Instituta za akreditiranje Bosne i Hercegovine (u daljem tekstu: BATA) izrađen je na temelju usvojenog Strateškog okvira institucija Bosne i Hercegovine do 2030. godine, usvojenog od Vijeća ministara Bosne i Hercegovine. Usvojeni Strateški okvir sadrži portfolio usmjeravajućih strateških ciljeva i prioriteta za izradu srednjoročnih planova rada institucija Bosne i Hercegovine.

U skladu sa tim BATA je utvrdila specifični cilj „Provođenje sistema akreditiranja Bosne i Hercegovine“ čijom realizacijom doprinosi realizaciji Strateškog cilja Bosne i Hercegovine „Osigurati održiv i pametan ekonomski razvoj“ i prioriteta Bosne i Hercegovine „Poticajno okruženje za razvoj“ kao i srednjoročnog cilja Bosne i Hercegovine „Unaprjeđenje Sistema infrastrukture kvaliteta u skladu s EU zakonodavstvom i dobrom praksom EU, efikasniju regulaciju tržišta u svrhu osiguranja slobodnog kretanja roba i usluga i tržišne fer konkurencije“.

Pravni okvir

Nadležnosti i rad BATA-e utvrđeni su Zakonom o osnivanju Instituta za akreditiranje Bosne i Hercegovine („Službeni glasnik BiH“, broj: 10/02) i Zakonom o akreditiranju Bosne i Hercegovine („Službeni glasnik BiH“, broj: 19/01).

U skladu sa navedenim zakonima, BATA je samostalna upravna organizacija, ovlaštena i nadležna da provodi Sistem akreditiranja u Bosni i Hercegovini, koji se kontinuirano usklađuje sa međunarodnim standardima i preporukama Evropske organizacije za saradnju u području akreditiranja (u daljem tekstu: EA) i drugih međunarodnih organizacija iz područja akreditiranja (ILAC, IAF).

Zakonom o akreditiranju Bosne i Hercegovine definisane su sljedeće nadležnosti i zadaci:

- razvijanje potrebnih kriterija, procedura i prakse tako da pružanje usluga u području akreditiranja bude u skladu sa međunarodnim standardima i praksom;
- provođenje akreditiranja tijela za ocjenjivanje usklađenosti, tj. ispitnih i kalibracijskih laboratorija, certifikacijskih tijela za certifikacije proizvoda, usluga, sistema kvaliteta i osoblja te inspekcijских tijela koja obavljaju inspekciju i slične aktivnosti;
- učešće u evropskim i međunarodnim organizacijama za akreditiranje i u njima predstavljanje interesa Bosne i Hercegovine;
- iniciranje i zaključivanje bilatelarnih i multilateralnih sporazuma sa drugim državama u području akreditiranja o saradnji i međusobnom priznavanju;
- saradnja sa institucijom u čijoj je nadležnosti uspostavljanje i održavanje mjeriteljskog sistema u Bosni i Hercegovini u cilju ostvarivanja sljedivosti mjerenja i kalibracija prema Međunarodnom sistemu mjernih jedinica;
- organizovanje edukacije iz područja akreditiranja za potrebe razvoja Sistema akreditiranja u Bosni i Hercegovini i u okviru redovnog obrazovnog sistema, učestvovanje u definisanju zahtjeva koji se odnose na sadržaj edukacije za područje akreditiranja;
- pružanje savjeta državnoj administraciji iz područja akreditiranja i drugih ocjenjivanja ili potvrđivanje kompetentnosti za obavljanje procedura ocjenjivanja usklađenosti;
- provođenje ostalih ocjenjivanja i potvrđivanja kompetentnosti tijela za obavljanje procedura ocjenjivanja usklađenosti, u skladu s pojedinim propisima za ocjenjivanje usklađenosti.

U okviru svoje djelatnosti BATA obavlja i druge zadatke i usluge koje su u skladu sa politikom akreditiranja Bosne i Hercegovine, a kojima nije cilj sticanje dobiti.

Politika i ciljevi kvaliteta

Politika kvalitete BATA-e temelji se na politici države Bosne i Hercegovine u području akreditiranja, a definisana je pomenutim zakonima.

Kroz kontinuirano ispunjavanje zahtjeva standarda ISO/IEC 17011, Ocjenjivanje usklađenosti – Opšti zahtjevi za akreditaciona tijela koja akredituju tijela za ocjenjivanje usklađenosti, EA, ILAC i IAF dokumenata relevantnih za rad akreditacionog tijela, te Uredbe (EC) 765/2008, cilj je stvoriti pretpostavke za efikasno djelovanje Sistema akreditiranja Bosne i Hercegovine. Prioritet BATA-e je, kroz ispunjavanje navedenih kriterija, osigurati kompetentnost, dosljednost u radu i nepristrasnost.

BATA je tijelo od opšteg interesa (član 6. stav 2, Zakona o akreditiranju BiH) države Bosne i Hercegovine, koje se ne nadmeće sa drugim akreditacionim tijelima niti sa tijelima za ocjenjivanje usklađenosti. BATA akreditira tijela za ocjenjivanje usklađenosti koja su registrirana u Bosni i Hercegovini poštujući sva relevantna pravila vezano za prekograničnu akreditaciju.

Kompetentnost BATA-e potvrđena je potpisivanjem EA MLA sporazuma. Održavanje kompetentnosti trajan je proces koji zahtijeva maksimalan angažman svih uposlenika, ali i podršku zainteresovanih strana.

Kao potpisnik EA MLA sporazuma, BATA prihvata izvještaje i certifikate koje izdaju tijela akreditirana od strane drugih EA MLA i IAF/ILAC MRA potpisnika. Cilj je olakšati trgovinsku razmjenu i privrednim subjektima pružiti neophodnu podršku za lakši izlazak na evropsko i svjetsko tržište.

Politika BATA-e provodi se i održava na način da se prepoznaju potrebe korisnika naših usluga, ali i svih drugih strana koje računaju na usluge akreditiranih tijela. Sve zainteresirane strane uključene su u rad BATA-e i mogu dati svoj doprinos razvoju Sistema akreditiranja Bosne i Hercegovine.

Razmjena iskustava i saradnja sa drugim akreditacionim tijelima dodatna je mogućnost jačanja pozicije akreditacije u Bosni i Hercegovini. Stoga je BATA otvorena za sve nove projekte koji će pomoći razvoj akreditacije. Svjesna važnosti akreditacije u infrastrukturi kvaliteta, BATA kontinuirano radi na edukaciji i sticanju praktičnih iskustava svih uposlenika, ali i vanjskih saradnika.

Provodeći svoju politiku kvaliteta BATA nastoji realizirati opšte ciljeve koji uključuju:

- Održavanje statusa multilateralnog potpisnika EA MLA u relevantnim područjima i promoviranje značaja ovog sporazuma,
- Praćenje potreba zainteresovanih strana te pravovremeno reagovanje s ciljem uspostavljanja novih šema akreditacije i potpisivanja EA MLA u područjima važnim za Bosnu i Hercegovinu,
- Aktivno učešće u radu međunarodnih organizacija za akreditaciju,
- Saradnju s akreditacionim tijelima iz susjednih i drugih zemalja,
- Podizanje svijesti da je akreditacija najadekvatnije međunarodno priznato sredstvo potvrđivanja kompetentnosti tijela za ocjenjivanje usklađenosti,
- Saradnju s vlastima na nivou države i njenih entiteta u području akreditacije,
- Saradnju s drugim institucijama iz infrastrukture kvaliteta,
- Raspolaganje odgovarajućom bazom ocjenitelja i/ili eksperata za kvalitetno izvođenje procesa akreditacije,
- Eliminiranje ili svođenje na minimum svih rizika koji eventualno mogu ugroziti Sistem akreditiranja Bosne i Hercegovine.

2. MISIJA I VIZIJA

Misija BATA-e je uspostavljanje i održavanje kompetentnog, nepristrasnog i nezavisnog Sistema akreditiranja kako bi i korisnici usluga akreditiranih tijela i potrošači u Bosni i Hercegovini imali povjerenje u usluge koje pružaju laboratoriji, certifikaciona i inspekcijiska tijela. Takođe, BATA putem uzajamnog međunarodnog priznavanja rezultata akreditiranih poslova, olakšava međunarodnu trgovinu i pomaže bosanskohercegovačkoj privredi da dostigne globalnu konkurentnost.

Vizija BATA-e je da uspostavi međunarodno priznato akreditaciono tijelo u Bosni i Hercegovini koje efikasno provodi postupke akreditiranja u svim oblastima čime doprinosi osiguravanju kvaliteta i sigurnosti roba i usluga korisnicima (potrošačima) u našoj zemlji i osigurava priznavanje bosanskohercegovačke akreditacije u Evropi i svijetu.

3. UČESNICI I PARTNERI

Struktura sistema akreditiranja Bosne i Hercegovine

Strukturu Sistema akreditiranja Bosne i Hercegovine čine:

- Vijeće ministara Bosne i Hercegovine,
- Resorna ministarstva u Federaciji Bosne i Hercegovine i Republici Srpskoj,
- Institut za akreditiranje Bosne i Hercegovine,
- Akreditirana tijela za ocjenu usklađenosti,
- Korisnici usluga akreditiranih tijela,
- Zainteresovani privredni subjekti,
- Zainteresovane obrazovne institucije,
- Ostali zainteresovani subjekti.

BATA je akreditacijsko tijelo koje djeluje u sastavu Vijeća ministara Bosne i Hercegovine i direktno je odgovorno Vijeću ministara Bosne i Hercegovine.

Politika nepristrasnosti jedna je od ključnih politika BATA-e kojom se garantuje jednak pristup svim tijelima za ocjenjivanje usklađenosti, garantuje objektivnost akreditacija, te reguliše značaj upravljanja sukobom interesa.

Najviše rukovodstvo BATA-e posvećeno je poštivanju principa nepristrasnosti, te je s tim u vezi dokumentovalo i javno objavilo politiku nepristrasnosti. Nepristrasnost osigurava svojom organizacijom i uključivanjem u svoje aktivnosti predstavnike zainteresovanih strana poput predstavnika ministarstava i drugih državnih institucija, fakulteta, naučnih instituta, tijela za ocjenjivanje usklađenosti, preduzeća, itd. Predstavnici zainteresovanih strana uključeni su u aktivnosti BATA-e putem Savjetodavnog vijeća za akreditiranje (SVA).

Međunarodna i bilateralna saradnja

Od 22.12.2012. godine BATA je bilateralni potpisnik sporazuma s Evropskom akreditacijom EA BLA u područjima ispitivanja (ISO/IEC 17025), kalibracija (ISO/IEC 17025) i inspekcije (ISO/IEC 17020) i sve do 2022. godine imala je status pridruženog člana EA.

Takođe, od 14.01.2013. godine BATA je potpisnik međunarodnog sporazuma ILAC MRA u područjima ispitivanja (ISO/IEC 17025), kalibracija (ISO/IEC 17025) i inspekcije (ISO/IEC 17020) i ima status punopravnog člana ILAC-a.

U skladu sa svojim nadležnostima a uvažavajući prednosti koje donosi akreditacija, te kako bi u potpunosti odgovorila potrebama tržišta, tijela za ocjenjivanje usklađenosti i drugih

zainteresovanih strana u Bosni i Hercegovini, BATA je nakon što su se stekli neophodni uslovi podnijela zahtjev i proširila sporazum EA BLA na još dva nova područja akreditiranja i to: područje akreditacije medicinskih laboratorija (standard ISO 15189) i akreditacije certifikacionih tijela za proizvode, procese i usluge (standard ISO/IEC 17065).

Shodno izmjenama pravila i procedura EA (dokument EA-1/06), BATA je 2022. godine umjesto bilateralnog EA BLA, potpisala multilateralni sporazum EA MLA, te time postala punopravni član EA u području kalibracija, ispitivanja (uključujući medicinska ispitivanja), inspekcije i certifikacije proizvoda, procesa i usluga.

Potpisivanjem bilateralnog EA BLA, a zatim multilateralnog EA MLA sporazuma osigurani su uslovi da izvještaji o ispitivanju (uključujući medicinska ispitivanja), certifikati o kalibracijama, izvještaji o inspekciji, izvještaji i certifikati certifikacionih tijela za proizvode, procese i usluge se priznaju i prihvataju u cijelom svijetu.

Priznavanje izvještaja i certifikata omogućava da se proces ocjenjivanja usklađenosti radi samo jednom, da se svaki proizvod/usluga prihvaćen od jedne ekonomije može plasirati na ostale ekonomije bez ponovnog ocjenjivanja usklađenosti.

Glavna stručna podrška efikasnom i kredibilnom radu BATA-e su ocjenitelji i eksperti čija je kompetentnost i profesionalizam od ključnog značaja za ocjenu kompetentnosti tijela za ocjenjivanje usklađenosti i provođenje procedura akreditiranja.

Kako bi osigurala potpuno ispunjavanje zahtjeva međunarodnog standarda ISO/IEC 17011 važećih EA/ILAC/IAF-a dokumenata i u skladu sa tim osigurala kompetentno provođenje procedura akreditiranja, te harmoniziran pristup timova za ocjenjivanje prilikom ocjenjivanja tijela za ocjenu usklađenosti, BATA će i u narednom periodu u skladu sa zahtjevanim kriterijumima kompetentnosti osoblja planirati i provoditi obuke osoblja uključenog u akreditacijske aktivnosti, organizovati i provoditi harmonizacijske sastanke ocjenitelja, pratiti rad i kompetencije cjelokupnog osoblja, te poduzimati sve druge neophodne mjere.

Takođe, radi povećanog broja zahtjeva za akreditiranje u novim tehničkim područjima i podpodručjima, BATA će širiti bazu vanjskih saradnika kako bi osigurala neophodne kompetencije osoblja za ocjenjivanje tijela za ocjenu usklađenosti i osigurala nepristrasnost u provođenju akreditacijskih aktivnosti.

Ispunjavajući kontinuirano zahtjeve međunarodnog standarda ISO/IEC 17011, zahtjeve EA, ILAC i IAF dokumenata, Uredbe (EC) broj 765/2008 i održavanjem potpisanih sporazuma, BATA realizuje pomenute strateške i srednjoročne ciljeve, kao i utvrđene prioritete Bosne i Hercegovine.

BATA ima potpisane sporazume o saradnji sa nacionalnim akreditacionim tijelima Hrvatske, Srbije, Turske, Norveške, Crne Gore, Mađarske, Makedonije, Bugarske i Slovenije. Saradnja je vezana za razmjenu iskustava i informacija u postupcima akreditiranja, obučavanje osoblja i osiguranje ekspertskih znanja za provođenje procedura akreditiranja.

Takođe, BATA će u skladu s obavezama utvrđenim potpisanim sporazumima (EA MLA i ILAC MRA) učestvovati u radu međunarodnih organizacija iz područja akreditiranja (EA, ILAC, IAF) i njihovih tijela, odnosno u radu Generalne skupštine EA, Generalne skupštine ILAC-a, kao i u radu tehničkih komiteta EA.

Aktivnosti vezane za akreditiranje tijela za ocjenjivanje usklađenosti u narednom periodu će se provoditi u skladu sa planovima ocjenjivanja, uključujući ocjenjivanja tijela u svrhu odobravanja, potvrđivanja, produžavanja i proširivanja akreditacije.

4. OSNOVNA PROGRAMSKA OPREDJELJENJA

Programska opredjeljenja BATA-e postavljena su na temelju Strateškog okvira institucija Bosne i Hercegovine do 2030. godine usvojenog od strane Vijeća ministara Bosne i Hercegovine.

U skladu sa tim BATA je utvrdila specifični cilj „Provođenje sistema akreditiranja Bosne i Hercegovine“ čijom realizacijom doprinosi realizaciji Strateškog cilja Bosne i Hercegovine „Osigurati održiv i pametan ekonomski razvoj“ i prioriteta Bosne i Hercegovine „Poticajno okruženje za razvoj“ kao i srednjoročnog cilja Bosne i Hercegovine „Unaprjeđenje Sistema infrastrukture kvaliteta u skladu s EU zakonodavstvom i dobrom praksom EU, efikasniju regulaciju tržišta u svrhu osiguranja slobodnog kretanja roba i usluga i tržišne fer konkurencije“.

ODRŽAVANJE MEĐUNARODNOG STATUSA I AKREDITIRANJE TIJELA ZA OCJENJIVANJE USKLAĐENOSTI

- Održavanje sporazuma EA MLA

Održavanjem sporazuma EA MLA u području kalibracija i ispitivanja (standard ISO/IEC 17025), inspekcije (standard ISO/IEC 17020), medicinskih ispitivanja (standard ISO 15189) i certifikacije proizvoda, procesa i usluga (standard ISO/IEC 17065), osigurani su uslovi da se izvještaji i certifikati izdati od kalibracionih i ispitnih laboratorija uključujući medicinske laboratorije, inspeksijskih tijela, te certifikacionih tijela za proizvode, procese i usluge, akreditiranih od strane BATA-e, priznaju u cijelom svijetu. S toga će održavanje sporazuma EA MLA u pet područja akreditiranja ostati temeljni cilj BATA-e.

Takođe, u skladu sa svojim nadležnostima BATA će i u narednom periodu pratiti i analizirati zahtjeve i potrebe privrede Bosne i Hercegovine, tijela za ocjenjivanje usklađenosti i drugih zainteresovanih strana, te poduzimati neophodne aktivnosti razvoja novih šema akreditiranja.

BATA je prepoznala rizike koji bi mogli ugroziti održavanje sporazuma EA MLA a koji se prvenstveno odnose na nedostatak neophodnih materijalnih i ljudskih resursa. S toga, će dodatnim zapošljavanjem osoblja, angažovanjem vanjskih saradnika, adekvatnim pripremom i planiranjem budžeta, te racionalnim korištenjem budžetskih sredstava nastojati da ukloni ili minimizira prepoznate rizike.

- Akreditiranje tijela za ocjenjivanje usklađenosti

Aktivnosti akreditiranja tijela za ocjenjivanje usklađenosti realizuju se u skladu sa Godišnjim planovima ocjenjivanja.

Uzimajući u obzir da je BATA u 2022. godini osigurala evropski i međunarodni status u još dva područja akreditiranja, da je akreditacija na globalnom nivou prepoznata kao najprihvatljiviji način dokazivanja kompetentnosti tijela za ocjenjivanje usklađenosti, da je BATA je osigurala međunarodno priznavanje izvještaja i certifikata izdatih od akreditiranih tijela za ocjenjivanje usklađenosti, a u narednom trogodišnjem periodu očekujemo povećan broj zahtjeva za akreditaciju i povećan broj akreditiranih tijela.

Sve ovo značajno će povećavati troškove BATA-e na ugovorima o autorskom djelu, koje BATA zaključuje sa vanjskim saradnicima radi ocjenjivanja tijela za ocjenjivanje usklađenosti.

S toga, vodeći se iskustvom iz prethodnog perioda, BATA je nedostatak finansijskih sredstava na ugovorenim uslugama prepoznala kao mogući rizik koji bi mogao ugroziti provođenje planiranih ocjenjivanja i procedura akreditiranja tijela, te će sa posebnom pažnjom i u skladu sa potrebama vršiti pripremu i planiranje budžeta, kontinuirano pratiti izdatke i poduzimati druge neophodne mjere uklanjanja i minimiziranja rizika.

ZAKONI I DRUGI PROPISI

- **Usklađivanje Zakona o osnivanju Instituta za akreditiranje Bosne i Hercegovine i Zakona o akreditiranju Bosne i Hercegovine s Acquis-em i Uredbom broj 765/2008.**

BATA je pokrenula aktivnosti usklađivanja zakonske legislative sa pravnom stečevinom Evropske unije (Acquis-em) i to: usklađivanje Zakona o akreditiranju Bosne i Hercegovine, donesenog 2001. godine i Zakona o osnivanju Instituta za akreditiranje Bosne i Hercegovine donesenog 2002. godine sa Uredbom (EK) 765/2008. Usklađivanje navedenih zakona doprinijelo bi efikasnijem ispunjavanju svih kriterija vezanih za održavanje evropskog i međunarodnog statusa BATA-e.

Rizici za provođenje ove aktivnosti odnose se na nedostatak osoblja koje će provesti usklađivanje navedenih zakona u planiranom roku i njihovo dostavljanje parlamentarnoj skupštini Bosne i Hercegovine na usvajanje. U cilju uklanjanja i minimiziranja nevedenog rizika BATA je imenovala radnu grupu za provođenje aktivnosti, čiji će rad kontinuirano pratiti i poduzimati neophodne mjere.

5. RESURSI I KAPACITETI POTREBNI ZA POSTIZANJE CILJEVA

S obzirom da je akreditacija u Europi, pa i u Bosni i Hercegovini prepoznata kao najadekvatniji način dokazivanja kompetentnosti tijela za ocjenjivanje usklađenosti, da je BATA osigurala međunarodno priznavanje izvještaja i certifikata izdatih od akreditiranih tijela za ocjenjivanje usklađenosti u pet područja akreditiranja, u narednom trogodišnjem periodu očekujemo još veću zainteresovanost za akreditaciju, povećani broj akreditiranih tijela a time i značajno veći obim posla. Sve ovo za rezultat će imati povećanje broja ocjenjivanja tijela za ocjenu usklađenosti, a time povećanje troškova BATA-e po osnovu zaključenih ugovora o autorskom djelu koji se zaključuju sa vanjskim saradnicima radi ocjenjivanja tijela.

Napominjemo da su tehnički ocjenitelji i eksperti najvažnija stručna podrška BATA-i za ocjenu kompetentnosti tijela za ocjenjivanje usklađenosti koji se biraju iz redova stručnjaka u pojedinim tehničkim područjima akreditiranja, a mogu biti stalni uposlenici BATA-e, stručnjaci iz Bosne i Hercegovine kao i strani državljani.

Zbog svega navedenog BATA-i će u narednom trogodišnjem periodu biti neophodno dodatno zapošljavanje te finansijska sredstva u iznosu od 6.000.000 KM.

Napominjemo da dostupnost svih neophodnih materijalnih i ljudskih resursa za kompetentno provođenje procedura akreditiranja su najvažniji uslovi za ispunjavanje zahtjeva međunarodnog standarda ISO/IEC 17011 od strane državnih akreditacionih tijela.

Osnovna programska opredjeljenja BATA-e data su u sljedećim tabelama:

Tabela 1

AKCIONI PLAN SREDNJOROČNOG PLANA RADA INSTITUTA ZA AKREDITIRANJE BOSNE I HERCEGOVINE (BATA)																					
STRATEŠKI CILJ:		Osigurati održiv i pametan ekonomski razvoj																			
PRIORITET:		Poticajno okruženje za razvoj																			
1	2	3	4	5	6	7	8	9	10	11	12	13	14	15	16	17	18	19	20	21	
Srednjoročni cilj	Specifični ciljevi	Programi	Projekt	Institucija odgovorna za implementaciju	Pokazatelj	Otvir za mjerenje ostvarenja						Procjena troškova						Izvori finansiranja			Program u DOB-u
						Jedinica mjerenja (%; broj ili opisno)	Pokazna vrijednost godina 2023	Ciljana vrijednost godina 2024	Ciljana vrijednost godina 2025	Ciljana vrijednost godina 2026	Procijenjeni troškovi godina 2024	Procijenjeni troškovi godina 2025	Procijenjeni troškovi godina 2026	Ukupno troškovi	Budžet	Krediti	Donacije	Ostali izvori	Ukupno		
Srednjoročni cilj	Specifični cilj				Broj područja u kojima je osigurano međunarodno priznavanje izvještaja i certifikata izdatih od akreditiranih tijela	broj	5	5	5	6	1.900.000	2.000.000	2.100.000	6.000.000	6.000.000				6.000.000		
Unaprijediti sistem infrastrukture kvaliteta u skladu sa EU zakonodavstvom i dobrom praksom EU, efikasnu regulaciju tržišta u svrhu osiguranja slobodnog kreiranja roba i usluga i tržišne fer konkurencije	Provođenje Sistema akreditiranja BiH	Program 1.1		Institut za akreditiranje BiH	Broj područja u kojima BATA ima potpisan sporazum EA MLA	broj	5	5	5	6	100.000	100.000	100.000	300.000	300.000				300.000	0411190	
					Ukupan broj akreditiranih tijela	broj	177	190	205	220	1.800.000	1.900.000	2.000.000	5.700.000	5.700.000				5.700.000	Provođenje sistema akreditiranja u BiH	

TABLICA A2: PREGLED ZAKONA, DRUGIH PROPISA I RAZVOJNO-INVESTICIJSKIH PROJEKATA/PROGRAMA PREDVIDENIH SREDNJOROČNIM PLANOM RADA INSTITUTA ZA AKREDITIRANJE BIH (BATA) ZA PERIOD 2024-2026.GODINE

PREGLED ZAKONA, DRUGIH PROPISA I RAZVOJNO-INVESTICIJSKIH PROJEKATA/PROGRAMA PREDVIDENIH SREDNJOROČNIM PLANOM RADA INSTITUTA ZA AKREDITIRANJE BIH (BATA) ZA PERIOD 2024-2026.GODINE

STRATEŠKI CILJ:								
Osigurati održiv i pametan ekonomski razvoj								
PRIORITET								
Poticajno okruženje za razvoj								
1	2	3	4	5	6	7	8	9
Srednjoročni cilj	Specifični ciljevi	Programi	ZAKONI	PODZAKONSKI AKTI	Usklađivanje s pravnim naslijeđem EU-a (DA ili NE)	Planirani period za DONOŠENJE	NAZIV PROJEKTA JAVNIH INVESTICIJA	Očekivani PERIOD REALIZACIJE
Unaprijediti sistem infrastrukture kvaliteta u skladu sa EU zakonodavstvom i dobrom praksom EU, efikasniju regulaciju tržišta u svrhu osiguranja slobodnog kretanja roba i usluga i tržišne fer konkurencije	Provođenje sistema akreditiranja BiH	Program 1.1 Održavanje međunarodnog statusa i akreditiranje tijela za ocjenjivanje usklađenosti	Zakon o akreditiranju BiH i Zakon o osnivanju Instituta za akreditiranje BiH		da	2025		2025

Amira Kumpar



[Signature]
Direktor

mr.sc. Dražan Primorac